

Ɔwulúá Paulo Lówanlín Sísí Kolosefɔ

Itsiáha

1 1-2 Mí Paulo ání Bulu apé sɔ nabwé Yesu Kristo sumbí ɔyɔpú pú aní píó Timoteo dé ɔwulú ánfɛ wanlín.

Anidépusísí aní apíóá bugyi Bulu ahá, bubu Kolose wúluto, bubu ɔɔkwali há Kristo Yesu, mua amúnɔ é babwé kole.

Aní Sí Bulu mua aní Wíe Yesu Kristo bugyíi mli buale, abuha mli iwilwii.

Ipánda Mpái

3 Anitedá aní Wíe Yesu Kristo mu Sɔ Bulu ipán brégyíbréá anidé mpái bɔ mli nwunsu. **4** Tsúfé anlanú ání mlulɔhɔ Kristo Yesu gyi, mlibu ɔdwe é há Bulu ahá féé. **5** Mlidé ɔkpa kí ha tóá bapúyái há mli ɔsúsú; fé alhá mliyin tsú bréá mlilégyankpá nu ɔɔkwali asún ámúú igyi Bulu asun wankláán ámu. **6** *Asun wankláán ámu kén dékleí wá ɔyító, ide ahá tsiátó tsée ɔtínegyíɔtíne; fé alhá iletse mli tsú ekeá mlulónu mú, mlilébi ání lélé Bulu tegyi ahá buale. **7** Aní osúmba ɔdwepú Epafra gyí ɔhá ání ɔɔpɔ asun wankláán ámu ba mli. Yesu Kristo osúmbi ɔɔkwaliɔpɔ ogyi, ɔde mli buá aní ɔfansu.^a **8** Mléléba bebláa aní ɔdweá *Ɔɔe Wankíhé amu lapówá mliɔ.

9 Mú sɔ anumókúsi mpái bɔ mli nwunsu tsú ekeá anulónu mli twi asún ánfɛ. Anidé Bulu kokóli anaa, ɔháa amlibi mu apé kugyíku wankláán. Ɔháa mu Ɔɔe Wankíhé amu ɔha

^a **1:7** Mli ɔfansu bu nwulú dada amu akuto.

mlí nyánsa múa asún asunu fée, ¹⁰méni mlétalí tsíá tsiátá íbówa aní Wíe numnyam, amlígyi mu ansí ɔkpagyíɔkpasu. ɔháa amlíbwé yilé brégyíbré, trá bí Bulu tsia. ¹¹⁻¹²Ania ɔháa mu túmiá mú ɔnɔ́ bú ɔnlín iwa mlí ɔwunlín, amlítalí tomi, nya klón, pú ansígyí da aní Sí Bulu ipán. Mvláhá mlílafun ání mlía mu ahá mlénya agyapadié ámúb alalá yáí mu iwíegyí wankíhétɔ́ ámu iku. ¹³Tsúfé mvlálé aní tsú ɔhá ámúb ɔde oklúnsu gyí amv túmi asi, pú aní ba mu Bi ɔdwepú ámu iwíegyí amvɔ́. ¹⁴Mu Bi ánfísv ɔlɔtsun hɔ aní, alasí aní lakpan kíé aní ní.

Kristo Dun Tógyító

¹⁵ɔhaa tamawun Bulu, Kristoɔ ɔlélun ɔwan. ɔbu unv asa Bulu lóbwe tógyító, ɔdun Bulu itɔ́ bwehé kugyíku. ¹⁶Mvsú Bulu lótsun bwe tógyítá íbu ɔsú múa asi. Múá butowun pú múá butamawun fée, ɔɣétó awíe, ɔmásvgyí túmi, atúmípu, pú isv agyípu fée. Mvsú Bulu lótsun bwe ɔyí fée, púwá mu numnyam. ¹⁷ɔbu unv asa tógyító lefi asi. Mvsú ató ámu fée ide agyúbá yɔ wá abatɔ́. ¹⁸Mvgyí nwun há mu nyankpusa-oyí, igyi ɔpasua ámu, ɔde mú nkpa ha. Mvlégyankpá kusú tsú afúlíto, ogyi tógyító nkpa ogyápu. ¹⁹Tsúfé íbu Bulu ɔdwe ání mu tsiátó fée bétsiá mu Bi ámvɔ́. ²⁰Mvsú Bulu lótsun yinkía tógyító ba mu íwí wá. ɔlɔtsun mu obugya amúb ulɔwulí asi bréá beda mu mántá *oyikpalíhe amvsu pú iwílwí wá mvá tógyító nsuné. Múá íbu ɔsúsú pú múá íbu ɔsulúsv fée.

²¹Tekí mlí é mlílédamlí ɔma há Bulu, mlígyí mu alupú mlí asún susúhe pú mlí bwehé laláhe sv. ²²Táme séí á, útráa megyí alí. Kristo lóbwe nyankpusa, olowu. Bulu lótsun mu oyikpalíhesv lowu ámvsv lá mlía mvnyɔ́ nsuné. Mú sv ifin pú asvansv má mlí íwí, ɔbékpa mlí ba mu ansító. ²³Táme ílehián ání mlíshɔ asúnsú ánfí gyí, líí kínkíínkín. Mlímáha abutse mlí agywun le itó ámúb mlídé mú ɔkpa kí, asun wankláán ámu lapúba mlí ámvsv. Asun wankláán ánfí osúmpú mí Paulo ngyi ní. Asún ánfí ɔkan budeda ɔyító fée é ní.

²⁴Ibu mi ansigyí ání nde ipian wúun mli su. Tsúfé nde iwɔsun ámú Kristo lówun sian amu ku wúun ha mu ɔpasua, igyi mu nyankpɔsa-oyí ámu. ²⁵Bulu lópu mu asún wankláán ámu wá mí ibitɔ, ání ndáa mú féé ɔkan suna mli, ampusum ɔpasua ámu. ²⁶Ɔlɔpu asún ánfɔ ɣáín bímbí ɔpá, táme alalé mú ɔwan súná mu ahá séi. ²⁷Ibu Bulu ɔdwe ání ɔbéle mú ɔwan súná mliá mlimégyí Yudafo. Asun ɣáinhé amu gyí, Kristo tsie mlɔ. Ibu ibiá, ibu numnyam é. Múdésuná ání abénya mu numnyam amu iku ní. ²⁸Mu iwɔ asún anudé ahá féé bláa, anudé amú ɔlá da, pú nyánsa ámú Bulu lahá anu ámu súná amú ató; méni bófun, abékpa amú ba Bulu, amú Kristo ikulebwetó. ²⁹Íni su nahíé ndeprú, pu Kristo túmi ámú ibu mitɔ ámu yó agyómá ní.

2 ¹Ndekléa mlibú iprú ání ndeprú ɔwunlínso, mliá ɔpasua ámú ibu Laodikea pú ahá ámú bumɔkúwun mi ku amu féé nwunsu. ²Nde mú bwe púwá amú ɔwunlín, abubwe kule, dwe aba, nu asún asɔ wankláán, méni bónu Bulu asún ɣáinhé amú igyi Kristo amu féé asɔ. ³Kristotɔ Bulu lópu mu atonyahéa igyi mu nyánsa pú mu asúnbi féé wá.

⁴Nde mli asún ánfɔ bláa, méni ɔhaa mɔɔpu asún ání ibu anulé kuku bemlé mli. ⁵Ibu mútá mbu ifó mli wá, táme ntosúsu mli iwɔ brégyíbré. Ansí é ide mí gyí ání mlɔsie wankláán, mlií kínkínkín Kristosu hógyitɔ. ⁶Íniá mlɔlahɔ Kristo Yesu gyi ání mgyí mli Wíe su á, mliɔ mósú mliá munyɔ amlɔbwe kule. ⁷Mli é mliɔ lu kínkínkín Kristo hógyitɔ, amlɔnya ɔwunlín tsu mliá munyɔ ikulebwetɔ. Mliɔ mósú amlɔɔ mu iwɔ asún ámú bude mli suná, igyi ɔɔkwali amu, fé alá oyí nín tɔyɔ tótótót, yódúnká ntsu há mú utedan, amlɔda Bulu ipán é brégyíbré.

⁸Mlimáha ɔkpa ɔhaa ɔmle mli, pu mu ansítún móa afunu asún ání igyi amándíéa anyánpɔsa ɔɔwa kuku, itsú ɔɣé ntée túmiá ide ɔyí ánfɔsu gyí, imotsú Kristo wá beha amlɔmli mu nkpábi. ⁹Tsúfé Kristotɔ Bulu tsiátɔ onutónutó ámu féé ibu nyankpɔsa ɔkpasu. ¹⁰Íniá mliá Kristonyɔ mliabwé kule su mlɔlafun. Mgyí ɔhá ání ɔbu túmi ɔɣétɔ atúmipu pú ɔsu agyípu féésú.

¹¹Mliha munyo uklebwe su aladínkí mli tsiátó dada amu lé mli su fé alí ámú bútetun *keté, dínkí awoli lé músú ámu. ¹²Bréá bɔbɔ mli asú á, bopulá mli tsiátó dada amu fé alí bopulá Kristo; Bulu lókúsú mli ba nkpatɔ fé alí ɔlókúsú Kristo, tsúfé mlilóhogyi ání Bulu bu túmi kúsú mu tsú afúlitó. ¹³Teki mli lakpan pú mli tsiátó dada amú bú bɔmɔkúdínkí lé mli su ámu su mlilówu fé ɔhá ání ɔmɔkútun keté. Táme séi á, Bulu lakúsú ania Kristonyɔ ba nkpa pɔpwetɔ, alasi aní lakpan féé kíe aní. ¹⁴Ɖledunkí asún ámú bú bɔwanlín wá Mose mblatɔ, ide aní ulá le ámu lé anisu, yéda mú mántá Kristo *oyikpalíhe amusu. ¹⁵Bulu lóswí ɔhétó atúmipu pú isu agyípu túmi, ɔlekutá amú ndoun, lé amú ɔwan, wá amú pélitɔ, bré olegyi amúsú Kristo oyikpalíhe amusu.

¹⁶Mú su mlumáha ɔhaa ɔle mli ulá mli atogyihe, mli atonuhe, nkegyí, ɔtsra pɔpwe nke, ntée Yudafo *ɔkpónú ɔdaké aná su. ¹⁷Yiyí keke íni féé igyi há ató ámú bú íbéba amu onutó. Mú onutónutó ámu léln ɔwan Kristotɔ. ¹⁸Mlumáha ɔkpa ɔhaa ɔmle mli amliba iwiasí sum Bulu-abɔpu, amlihuli ipán ání Bulu léhie yái mli. Ní ɔbéé alawun tɔku tsú mú iwí kúráá pó á, ɔyító ansítún láhá mu ɔde iwí tsu. ¹⁹Ɖhá ánfí odu lamáín iwí lé Kristo amú bú ógyi ɔpasua ámu nwun ámusu. Tsúfé ɔpasua ámutɔ aní féé anilétsa abasu, Kristo amú bú ogyi nwun ámu dé aní ɔwunlín wa, méni abédan alí Bulu déklé.

²⁰Mliha Kristonyɔ lówu. Mú su mlitráa mlímá ɔyító túmi kuku asi. Ntogyi sù mlitráa mlidé mbla ánfí anású gyí? ²¹Beé, “Mágyi íni. Mápú ibi da íni, mátsu íni é!” ²²Ní bɔpú ntobí ánfí féé bwé ató tá á, iteyíntá. Anyánkpuása onutó mbla pú amú atosunáhé igyi. ²³Anidé mbla ánfí kú fé tóá nyánsa bu mútó, íbéha abówa alé Bulu ansító, abéba iwiasí há mu, wá iwí ɔsun aniaa íbéha abébi gyi iwísu. Táme íni aná féé íméetalí há aníméegyí iwísu.

Nkpa Pɔpwe Tsiá

3 ¹Mú su ní Bulu lakúsú mliha Kristonyɔ ba nkpa pɔpwetɔ á, mlidunka atóá íbu ɔsúsú, ɔtíné ámú bú Kristo tsie Bulu gyoɔpɔsu ámu. ²Mliha agywun unu ató iwí, megyí ɔsulúsú

klé. ³Tsúfé mlilawú, Bulu lapú mlia Kristonyo nkpa onuto ñáín mutó. ⁴Ekeá obéle Kristo amú ogyi mli nkpa onuto ámu owan súná oyi á, eke ámu kén obéle mlia munyo owan mu numnyamto ní.

Tsiátó Dada Múa Pópwe

⁵Mú su mliwó tsiátó dada amú ubu mlito ámu. Múgyi; atsi múa ayin asúnwa, ifintotsiá, owóli laláhe múa pélla. Oyi ánfuto ato wankláán umápe mli ansí, tsúfé onsípe igyi fé okpísúm. ⁶Ntobí ánfu odu abwepúsú Bulu tehíe nyá obló ní. ⁷Mú aná mlitobwé bréá mli gyi omátófo ní.

⁸Séi gyi bréá mléle obló, oblókpán, olu, abakpói, asokpan blí aná lé mlito ní. ⁹Mliwáwa afunu súná aba, tsúfé mlilasí mli tsiátó dada amu pú mú bwehé féé. ¹⁰Mlilalátsú tsiátó pópwe. Bulu gyi mú Obwepú, ode mú bwe pópwe lian mu wu bré ánfu mlidé mu bi ánfu. ¹¹Tsiátó pópwe anfi mú á, umefáhun ání Griikiyin ntée Yudayin fugyi. Fetun *keté ntée fumetun, okputópu ntée okudasíyin, okpábi ntée odíhe fugyi. Kristo gyi tógyító, obu amú féétó.

¹²Mú su íniá Bulu lalé mli póbwe mu ahá ání amú wu latun pú mu adwepú á, mliha nwewúun, awitolewa, wwasibá, ilwii pú klunya itsia mlito. ¹³Mlunya uklun ha aba. Ní oku mu mu ba benya á, mli sikie aba fé alíá Kristo lési mli klé kíe mli. ¹⁴Múá idun a, odwe tóbwe anu féé ikole. Ibwée mli tati didáhé. ¹⁵Mliha Kristo iwilwii igyi mli klunso, tsúfé mútó Bulu latí mli bowa; mlia mu nyankpusa-oyi ámu mlilabwé kole ni. Mliha mu ipán é brégyíbré. ¹⁶Mliha Kristo asún ámu ihe bula mli klunto, iha mli nyánsa. Mliputu kpla aba, suna aba ató. Mliwa *Israelfo ulu, osankuosu ulu pú oñétó ulu mli klunto putsu Bulu fwa, puda anu Sí Bulu ipán. ¹⁷Mli ato bwehé pú mli asun blíhé féé ibwée anu Wíe Yesu idátó, amlipw ipán ha anu Sí Bulu tsun musu.

Akristofó Tsiátó

¹⁸Aká, mliha wwasí ha mli akúlu alíá ulekanáa ha ahá ání bugyi Kristo klé.

19Akúlu, mli é mlidwe mli aká. Mlumábwe amú kpóunkpóun.

20Abí, mlibu mli akwuípú, tsúfé mú Bulu tekle ni.

21Akwuípú, mlumáwa mli abí ɔblɔ́, méni iwi móowu amú.

22Nkpábi, mlibu mli ɔsulúsu awíe tógyítá mlóbwetɔ. Mliha amú ansí igyi mli iwi brégyíbré, megyí amú ansító wule. Mlibwe mú tsú klontɔ, tsúfé mlitobú ani Wíe. 23Mlibwe tógyítɔ tsu mli klontɔ, fé ani Wíe mlidé mú bwe há, megyí anyánpósa. 24Mlikaun áni ani Wíe ibutɔ mlénya mli ikóká áni alalá yái mu abí. Tsúfé Kristo gyí Owíe áni mlidésun. 25Táme ní ɔbwé tóá uma ale a, ɔbéka fú ikɔ, tsúfé ɔtamaki ɔhaa ansító.

4 1Nkpábi awíe, mliɔpɔ tóá iɔ alé, igyi ɔɔkwali kpa mli nkpábi, tsúfé mli é mlibu Owíe ɔsúsú.

2Mlikuta mpaubótɔ. Mliɔnka ansí iwísu, ipánda é itsia mli klontɔ. 3Mlibɔ mpái ha ani é. Bulu ofínki ɔkpa ha ani atali da Kristo iwi asun ɔainhé amu ɔkan. Mú su nda obu ní. 4Mlibɔ mpái mlíaa, ndáa mú ɔkan wankláán, alíá ilehián.

5Mliki mli nátitɔ ɔmátɔfɔtɔ. Ní ɔkpa ifínki há mli á, mli máyintá mú. 6Mli itɔi iwa anulé, iwa labi, méni mlétalí lé ɔhagyíɔha asun futéhé ɔnɔ wankláán.

Uklá

7Ania opió ɔɔwepú Tihiko dé ani Wíe agyómá yɔ. Osúmpú ɔɔkwaliɔpɔ ogyi. ɔbébláa mli alíá mí iwi gyí féé. 8Nawá mu mli wá mbée, ɔbébláa mli alíá ani iwi gyí, ɔwa mli atetɔ-ɔnlɔn. 9Mva ani pió ɔɔwepú ɔɔkwaliɔpɔ Onesimo, ogyi mli pɔ amu ɔbéba bebla mli asún áni ilaba nfi féé.

10Aristarko, mí bá áni mía munyɔ anɔda obu ɔhá mli itsiá. Alí kén Marko, ogyi Barnaba mu pio ámu é ɔhá mli itsiá ní. Mliɔ Marko ɔfɔ́ wankláán, ní ɔlɔtsun ba mli wá fé alíá nebláa mli yái. 11Opió Yesu, butetráa ti mu Yusto é ɔhá mli itsiá. Ahá abasá ánti pé gyí Yudafoá mía amúnycɔ anudé *Bulu iwíegyí ámu iwi agyómá yɔ ní. Amú tékítá klɔn wá mí iwitɔ ní.

12Epaфра, otsú mli wá, ogyi Kristo Yesu osúmbi amu é ɔhá mli itsiá. ɔtehié bɔ mpái há mli áni Bulu ɔwáa mli ɔwunlín,

ɔha amlifɔn, amlitali bwe Bulu apé kugyíku. ¹³Nétalí gyí mu ɔwɛ adánsɛ ání ɔhíé ɔde agyúmá yɔ mlɛ Akristofá bubu Laodikea pú Hierapoli idátɔ. ¹⁴Anɛ ɔdwepú Luka, ogyi ɔlɔ ɔtsapú mva Dema behá mli itsiá.

¹⁵Nehá anɛ apíó Laodikeafɔ ámu itsiá. Nehá Nunfa mva ɔpasua ámúú ɔbu mu wóyítɔ amu é itsiá. ¹⁶Ní mlékla ɔwɔlú ánfɛ súná ɔpasua ámu tá á, mlɛpɔsɛsɛ Laodikeafɔ é. Mlɛkla amú klé ámúú nɔpɔsísí amú ámu é. ¹⁷Mlɛbla Arkipo mlɛaa, ɔmɔɔ agyúmá ámúú Bulu lɔpɔwá mu ɔbutɔ ámu ɔnɔ wankláán.

¹⁸Mí Paulo, onutónutó lawá ɔbu ɔwɔlú ánfɛ asɛ. Mlɛmátan ání nda obu.

Bulu ogyíi mli bvalɛ.